



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Quid nos excludat extra vnitatem Catholicam. tit. 199

urn:nbn:de:hbz:466:1-29452

Eucharistia, 1. Corinth 10. Vno verbo reconciliamur & absolui mur. Omnia cætera sacramenta ad vnitatem promouent. Ideò Ephe. 4. inquit Apostolus. Solum liciti seruare vnitatem in vinculo spiritus: Vnus Deus, vna fides, &c. Non est ergò res fictitia & humana, sed à Deo præcepta & ordinata: Ideò extra illam nihil prodest ad salutem. Nihil à Deo acceptatur, Gal 5. Sectæ regnum Dei non consequentur, &c. Ergo nec habebunt remissionem peccatorum extra vnitatem. Omnia sacramenta habent efficaciam propter vnitatem. At qui illis vitur contra charitatem is nedùm sine fructu accipit, sed etiam peccat, &cætera.

*QVID NOS EXCLUDAT
extra Ecclesiam Catholicam.*

TITVLVS CXCIX.



Notandum primò, quòd extra Ecclesiam non locant, nec hæreticum faciunt & schismaticum opera carnis, quæ recenset Apostolus Gal. 5. 1. Corinth. 6. Ephes. 5. Nam multi qui sunt intra Ecclesiam & Catholici, carnales sunt, & carnaliter viuunt in superbia, luxuria, auaritia, yfura, &cæt. comestatione, ebrietate, & neq; illis proderit, quòd sunt in Ecclesia, nisi pœnituerint. Nam qui talia faciunt, regnum Dei non possidebunt, 1. Corinth. 6. Roman. 8. Si secundùm carnem &c.

Secundò, extra Ecclesiam duo nos excludunt, error vel falsa fides circa sacramenta atque opera, subindè pertinacia & contemptus contra Ecclesiam, id est, nolle audire & obedire Ecclesie. de primo dicitur, Tit. 3. Hæreticum hominem deuota, quia subuersus est, id est, perperam interpretatur scripturam & fidei doctrinam, & proprio iudicio condemnatus est, sicut

seruus nequam, ex ore proprio, Matth. 25. Ideò tales fugere, qui non consentiunt nostrę doctrinę, & nos ab illis separare iubet Apostolus, 2 Thes. 3. Paulus, Et Ioannes, 2. Ioan. 1. Ideò tales semetipsos primo locant extra Ecclesiam, qui postea per iudicem tales deponantur, negare sacramentum Eucharistię, baptismum paruulorum, remissionem peccatorum: negare, quia sanguine Christi iustificamur, &c. hæc faciunt hæreticum, &cæt. Proindè aliud est peccare Catholicum, per peccata carnis, Galat. 5. Et aliud, se locare extra ecclesiam, licet ambo damnentur si sine penitentia manserint.

Secundò, Extra Ecclesiam se locat contumax per inobedientiam contra ecclesiam vel prælatos, Matth. 23. Qui Ecclesiam non audièrit, sit tibi tanquàm ethnicus, i. ille ex Christiano sit paganus. Nam hæc duo conseruant Ecclesiam, Vniuersitas fidei, & obedientia. Ergo qui hîc non obedit, extra ecclesiam sese locat: Qui enim potestati resistit, Dei ordinationi resistit, Rom. 13. Non igitur violatio traditionũ humana tum facit hæreticum, manentem tamen in vnitare Ecclesię, sed extra ecclesiam ex contemptu hæretico cõtra superiores eas violare est peccatũ. Timere debemus Magistratum etiam propter conscientiam. Violatio ergo præceptorum humanorum, habens secum hæreticum contemptum, facit hæreticum, & locat extra ecclesiam, i. contemptus ille, non solũ violatio.

Tertiò, Augustinus Epistola 48. Multi putant nihil interesse, vbi Christi fides teneatur, vel extra vel intra Ecclesiam, sub secta aut Catholica vnitare colatur Deus, modò DEVS honoretur, modò fides in Christum habeatur: nihil est de vnitare Ecclesię. Respon. Nihil hoc verum esset, frustra Paulus & scriptura admoherent fugere schismata, 1. Corinth. 1. Rogo propter nomen Domini nostri Iesu Christi, nè sint in vobis schismata, & Romanorum, 15. Rogo patrem, vt det

vobis vno ore & corde Deum honorificare, &c. Cap. ad Gala. 5. dicit, Sectæ regnum Dei non consequatur, si idem est, extra aut intra Ecclesiam colere. Vt Christus vnum ouile, Ioan. 10. Credo vnam Ecclesiā Catholicam, vnum Deum, Ephes. 4. Non ergo idem est, extra aut intra Ecclesiam colere Deum. Pulus omnia reijcit, quæ non secum habent charitatem, id est, vnitatem, 1. Cor. 13.

AD SCHISMA TRAHERE ET sollicitare Catholicum, an sit peccatum.

TITVLVS CC.



PRIMO. Doctores sacri ex scripturis sacris docent, quod prædicatio & sollicitatio à fide & obedientia Romana, quæ erit ante nouissimum diem, est grauissimum peccatum, grauius idololatria, & grauius omni furto rei temporalis, grauius homicidio corporali. Primo, illa sollicitatio à fide Romanæ Ecclesiæ, & obedientia Romani imperij, à Paulo est prædicta, 2. Thessa. 2. Non veniet filius peccati, id est, Antichristus, nisi primū facta fuerit discessio, Et Christus, Matt. 24. Multi surgent pseudopropheta, &c. dicentes, Hic est Christus &c. Et Paulus 1. Tim. 4. Spiritus dicit manifestè, quod in nouissimis temporibus discedent quidam à fide. Ergo ergo illa prædicatio & sollicitatio ad schisma prædicta est. Sed est peccatum peius idololatria. August. lib. 1. cōtra Donatistas cap. 8. Ex illatis pœnis, grauitas peccati agnoscitur, idololatriam puniuit Deus gladio, Exo. 32. sed schisma inaudita plaga, id est, hiatu terræ, Num. 16.

Secundo, Peius peccatum omni furto rei temporalis, quia tollit gratiā acceptam in baptismo, quæ est nobilior omni re temporalis, Mat. 16. quæ cōmutatio.